

٣ حياة جديدة 
 ٣٢ معاني الأنوثة 
 ٤٣ قسمة ونصيب 

د / مصطفیٰ ابراہیم زاید

٢٠١٠/١٥٥٣٥

للنشر والتوزيع

• ۱۰۰۳۴۱۸۷۸۴

للنواصل مع د / مصطفى زايد

• ۱۱۱۹۶۴۴۱۳۳

<http://facebook.com/Dr.Mostafa.Zayed>

♥ حياة جديدة ♥

♥ طيب تعالى نحلّم سوا .. و أى حلّم ؟؟؟!

ده أحلى حلم في حياة كل واحد فينا ..
هاخذك معايا مكان مختلف تماماً .. مكان كل
الناس سعيدة فيه .. الكل فرحان ومرتاح البال ..
مكان كله حب في حب ... الحب الحقيقي بجد ..

هاخذك ونروح الجنة ..

♥ ومهما حلمنا أو حاولنا نتخيل الجنة ، مش هنفقد!
 ▶ عارفة ليه ؟؟؟؟؟ ◀ لأن فيها ما لا عين رأت ،
 ولا أذن سمعت ، ولا خطر على قلب بشر !!
 ♥ تعالي تشوف حبيبنا النبي ﷺ وهو بيوصفنا
 بعض نعيم الجنة ؛ علشان نشاق ليها بقلوبنا ونجتهد
 علشان نفوز بيها قال رسول الله ﷺ :
 » يقول الله ﷻ : أعددت لعبادي الصالحين
 ما لا عين رأت ، ولا أذن سمعت ، ولا خطر
 على قلب بشر ، ثم تلا النبي ﷺ قول الله ﷻ :

(فَلَا تَعْلَمُ نَفْسٌ مَّا أُخْفِيَ لَهُم مِّن قُرَّةِ أَعْيُنٍ جَزَاءُ بِمَا كَانُوا يَعْمَلُونَ)

(١) « [سورة السجدة : ١٧] »



يَا لَّا يَبْنَا نَرْوَحُ الْجَنَّةَ ..

♦ **أهل الجنة :** متميزين جداً في الآخرة زي ما كانوا متميزين جداً في الدنيا .. كانوا متميزين في الدنيا برضاهم بأوامر ربنا سبحانه وتعالى ... يعرفوا إن دا حرام يتركوه .. و دا فرض يعملوه ..

« أول ناس داخلين الجنة ، النبي ﷺ وصفهم بالقمر ليلة البدر، والناس اللي وراهم نورهم زي نور الكواكب فى السما !!

إنّتي متخيلة الكلام؟؟ مش نفسك تكوني منهم؟؟

♥ **مش نفسك تكوني بدر يوم القيامة ؟!**

« حبيبك النبي ﷺ يوصفهم ويقول :

« إن أول زمرة يدخلون الجنة على صورة القمر ليلة البدر ، والذين يلونهم على أشد كوكب دري في السماء إضاءة » ^(١)

(١) رواه البخاري ومسلم.

♥ في الجنة ..

♥ ما لا عين رأت .. حاجة مفيش حد قبل كده شافها
ولا حتى في الخيال !

♥ ما لا أذن سمعت .. أصوات جميلة عمرك ما سمعتها ولا حد سمعها قبل كده !

♥ ولا خطر على قلب بشر .. يعني مفیش حد یقدر
یتخیل النعیم ده !

أصل ربنا هو اللي أعدّها..

تخیلی بقى دي تبقي عامله ازاى؟؟

♥ النبي ﷺ والصحابة خطوا الجنة قدام عنيهم ؛
وعلشان كده قدروا يصيروا ويستحملوا أي مشكلة أو
إبتلاء في الدنيا ، وضحوّا بكل شيء علشانها ..

🗣️ **مین فیما هیصبر زیهم علشان یفوز بیها؟؟**

رؤية الملك وعجل

♥ قال رسول الله ﷺ : « إذا دخل أهل الجنة الجنة ، وأهل النار النار ، نادى مُناد : يا أهل الجنة إن لكم عند الله موعداً يريد أن ينجزكموه ، فيقولون : وما هو ؟؟ ألم يثقل الله موازيننا ويبيض وجوهنا ويدخلنا الجنة وينجنا من النار ؟؟ فيُكشف الحجاب ، فينظرون إليه ، فوالله ما أعطاهم الله شيئاً أحب إليهم من النظر إليه ولا أقرّ لأعينهم »^(١)

♥ يَا أَرْوَاهُ ، مفيش شئ في الجنة أجمل ولا
أروع من رؤية وجه الملك سبحانه وتعالى ، ربنا
يرزقنا جميعاً رؤية وجهه الكريم ورضاه الأبدي عنا..

(١) - صححه الالباني، في صحيح ابن ماجه

◆ **جمالک فی الجنة :** فوق أي جمال تتصوریه !!

الحورية في الجنة جمالها يفوق أي وصف تتخيليه ،
 أنتي هتبقى أجمل من الحور العين في الجنة ! 🌸

يعني إنتي ملكت في الجنة ..

« مش مشتاقة إنك تعيش الحياة دي ؟؟؟ »

إحنا مش عايزين ندخل الجنة وخلص ؛ إحنا عايزين
أعلى درجات الجنة ؛ عايزين الفردوس الأعلى ..
أصل الجنة درجات.. وطالما عايزين أعلى درجة ؛
يبقى لازم نتعب شوية ونصبر علشان نفوز بيها ..

✓ **زي الطالب** اللي بيقد يذاكر ويسهر ويتعب ،
بس كله بيهون لما بيلاقي نفسه آخر السنة من الأوائل

❖ **أعظم نعيم في الجنة :** أجمل وأعظم نعمة في الجنة يا أختي هي التلذذ بروية ربك حبيبك ؛ ربك اللي تعبت عيشانه ، وصبرتي على الطاعة عيشانه ؛ ربك اللي تركتي كل حاجة غلط عيشانه ..

♥ **تاني شئ :** إوعي تزعلي مني .. أو من الكلام ..

أصل ده مش كلامي .. ده كلام ربنا سبحانه وتعالى
والنبي ﷺ اللي جهم بيحرق في دمي ودمك ..

ولا إنتي مش بتحبي ربنا والنبي ﷺ ؟؟؟؟

♥ **يبقى لازم نتفق إن أي حد بيحب حد يبقى لازم
يحب كلامه ويسمعه .. صح ولا أنا غلطان ؟؟؟؟؟؟**



«أنا عايز أكلم أختي اللي مكتوب في خانة الديانة

في بطاقتها "**مسلمة**" ..

وأقولها يا أختي ياللي بتصلي وبتصومي وبتطيعي

ربنا.. بس **حجابك لسه مش كامل !!**

✓ **الحجاب** يا أختي مش مجرد طرحة بتتلف على

الرأس وخالص ... **الحجاب** يعني لبس البنات

المسلمة ككل ... كلمة "حجاب" أصلاً يعني بيحجب..

يعني بيمنع .. يعني بيغطي .. وده مش متوافر في

لبس البنات في الزمن ده زي ما إنتي شايفة !!!

✓ **يعني** وإنتي نازلة تشتري لبس ، تختاري اللبس

اللي **يستر زينتك** مش يزينك أكثر في عيون الشباب !

وإنتي واقفة قدام المراية قبل ما تخرجي وبتظبطي

حجابك ، المفروض نيتك تكون هي **إخفاء وستر**

الزينة ، مش إنك تزيني نفسك أكثر في عيون

الشباب! يارب يا أختي تكوني فهمتي معنى الحجاب..

✓ **طيب إيه هي الفائدة من الحجاب ؟ إيه لازمته ؟**

✓ المفروض أنه بيحمي البنات المسلمة ويصونها
ويغفها ويمنع عنها ذناب البشر ويمنع عنها أي أذى..

✓ وكمان علشان نحمي شبابنا من فتنة النساء ..

الشباب الغلبان اللي عينيهم اتدمرت من النظر للبنات!

« **وربنا** سبحانه وتعالى هو اللي فرض الحجاب ..

وهو أعلم بيينا وبمصاحتنا وبالي في الخير لينا ..

ولكن اللي بيخالف أمر ربنا .. يبقى يستاهل عقابه ؟!

الموضوع خطير والله ..



➡ أنا عايزك تخافي على نفسك !!!

وبعد كل اللي قرأتيه وتخيلتيه ده ،،،

يا ترى ممكن تبيعي كل ده بـ إيه ؟؟؟؟

« عايز أتكلّم معاك عن شئ مهم جداً في حياة كل

مسلمة، شئ يميّز أي بنت مسلمة عن بنات الكون كله

« **عايز أنكلم معاك عن ((حجابك))**

يووووووه !! تاني الحجاب !! طيب ما أنا محبة!!

« **يا ترى إنتي فعلاً محبة ؟؟؟؟**

إحنا منقدرش نقول لا؛ لأن فعلاً فيه حاجة ملفوفة على

شعرك ، بس للأسف صعب تحكّم عليه أنه "**حجاب**"!

✓ **وقبل ما أكمل كلامي :**

♥ **أول شئ :** لازم تعرفي إن ربنا بيحبك .. أيوه بيحبك

علشان يسّر إن الكتاب ده يوصلك وتقرأ الكلام ده ،

بنات غيرك كثير ممكن ميوصلهمش الكلام ده ..

ويضيعوا آخرتهم وهما مش حاسين ، وفاكرين إنهم

ماشيين صح ! فالحمد لله إن ربنا بعثك اللي يذكرك ..

« **وأنا عايز أسألك في بداية كلامي :**

إنتي إيه أصلاً لابسة طرحة أو ايشارب أو خمار ؟؟؟

ليه مفضية شعرك ؟؟؟؟؟؟

« هل علشان طلعتي لقيتي والدتك كده ؟؟ ولا علشان

كلام الناس ؟؟؟؟؟؟؟؟ ولا علشان مش فاضية كل شوية

تروحي للكوافير وتدفعي فلوس ؟؟؟؟؟؟؟؟؟؟ ولا علشان

شعرك قصير أو مش حلو فيبتغيه وخالص ؟؟؟؟؟؟؟؟

ولا علشان ترضي ربنا ؟؟؟؟؟؟؟؟

« **أنا واثق ومتأكد إنك محبة علشان ترضي ربنا**

طيب ماهو ربنا اللي أمرنا بإننا مانكشفش الشعر ،

هو برده اللي أمرنا بإننا منلبش ضيق ومنظهرش

مفاتننا ومنخرجش بالزينة ميك أب وإكسسوار !!!

ولا إحنا بناخد من الدين اللي يمشي على مزاجنا ؟؟؟

« أنا أمنية حياتي إن أوصّل لكل بنت مفهوم الحجاب

نفسى كل بنت مسلمة تعرف هي ليه محبة ؟؟؟؟؟؟؟؟

✓ **لازم تفهمي يا أختي إن الغرض من الحجاب هو :**

" ستر زينة المرأة "

♥ أنا هكلمك دلوقتي ..ولو شديت عليكي متزعليش
 لآني والله العظيم خايف عليكي .. وبحب ليكي الخير
 زي نفسي بالظبط .. أنا ممكن أضحك عليكي بكلمتين
 زي أي حد مش خايف عليكي ومش خسران حاجة
 لما يجاملك ويقولك إنك كده كويسة وأحسن من غيرك
 ألف مرة !! اللي كاشفة شعرها ، واللي لابسة نص كم
 واللي نسيت تلبس أصلاً !!!!

♥ ده الرسول ﷺ نفسه خايف عليكي ، وقال :

« يا معشر النساء تصدقن وأكثرن الإستغفار فإني
 رأيتكن أكثر أهل النار » (١)

♣ هتقوللي : هو الموضوع خطير للدرجة دي

يعني؟ ما كل البنات والسيدات لابسين كده ؟؟؟؟
 معنى كده إن كلهم هيتعذبوا في النار يعني ؟؟؟؟

« هقولك : ما أنا لسه قايلك إن النبي ﷺ قال إن
 النساء أكثر أهل النار !!! بتصدقني النبي ﷺ ولا لا ؟؟

(١) رواه مسلم

♣ إنتي فاكده نفسك ماشية في طريق الجنة ، وإنتي
 والله مش هتقربِي لها ولا حتى هتشمي ريحتها إلا لو
 توبتي زي ما هتشفوي كلام النبي ﷺ دلوقتي !!

♣ طيب أنا بكلمك لبيبيه ؟؟؟؟

♥ أنا لما أشوف أختي ماشية وقدامها حفرة وهتقع
 فيها وهي مش واخدة بالها ؛ لازم أحذرها .. بعد كده
 لو وقعت في الحفرة ، يبقى هي اللي إختارت بإيديها !

✉ رسالة إلى كل بنت مسلمة :

« رسالة لكل بنت بتصلي ، وبتصوم ، وبتقرأ قرآن
 وفاكدة إن (ليسها محترم) !
 « بقولها يا أختي :

مفيش حاجة اسمها لبس محترم ولبس مش محترم !!
 مفيش حاجة اسمها بنطلون واسع وبنطلون ضيق !!
 مفيش حاجة اسمها بنطلون فوقه فيست مغطيه !!
 مفيش حاجة اسمها بدي لوحده وبدي فوقه بلوزه !!
 ✓ فيه حاجه اسمها (الزى الشرعى الإسلامى) كما
 وصفه الله ﷻ ورسوله ﷺ ..وده اللي هنعرفه بإذن الله

تعالى نشوف لبسك ده ممكن يوديكي فين ؟؟

" إنتي عارفة يا أختي ..

« لو نزلتي الشارع و١٠٠ واحد بس نظر ليكي ..
 بـ ١٠٠ سيئة .. هنقول بسيطة .. مفيش مشكلة !
 « لو نزلتي الجامعة وألف واحد بس من الألف اللي
 موجودين في الجامعة نظر ليكي .. كل واحد هنقول
 نظر ١٠٠ نظرة هيطلع بس ١٠٠٠٠٠ سيئة !
 « لو واقفة بقى مع شلة في الجامعة ساعة ولا اتنين
 كل واحد فيهم نظر ليكي ١٠٠ نظرة في المدة دي..
 « لو شاب من إياهم اللي عينهم هيئة أرساد جابك
 من فوق لتحت ربع ساعة يعني كمان ١٠٠٠ نظرة ..
 « لو نزلتي تتفسحي بالليل وكل واحد من شباب الليل
 اللي ميتوصوش ، هنقول نظر ليكي ١٠ مرات بس !

♣ بعد كـ لـ ده ،

هترجعي البيت بكام سيئة ؟؟؟؟؟؟؟؟؟؟؟

« ده كل ده ولا حاجة !!! ده إنتي لسه قبل ما تنزلي
 وقتي قدام المراية ساعة ولا اتنين تعدلى الطرحة
 وتلفيها فوق وتحت وتحطي عشر طرح فوق بعض
 وتحطي حبة مكياج خفيف على حبة روايح وبرفان
 وكله بحسابه !! ... وبعدين .. نزلتي الشارع

« بنت صغيرة في إعدادي شافتك قالت أنا هطلع
 زيك .. في ميزان سيناتك !!

« شاب ملتزم شافك إنتكس .. في ميزان سيناتك !!

« شاب شافك شهوته ثارت راح إيجوز عرفى ..

في ميزان سيناتك !!

« واحد تانى لما شافك راح زنا، في ميزانك سيناتك !

« واحد تانى لما شافك نفسه إفتحتت قعد يبص على

البنات طول الليل .. في ميزان سيناتك !!

« واحدة ملتزمة لما شافتك إفتحتت بنظر الناس ليكي

قلدتك في لبسك .. في ميزان سيناتك !!

« بنتك لما تكبر وتشوف صورتك وتقول أنا هطلع

زيك يا ماما .. في ميزان سيناتك !!

طیب رحمہ اللہ ورسولہ فیعی ایہ ؟؟

« بلبسك اللي إنتي مستهترة بيه وبتقولي ده حرية شخصية ومش حاطة أي أهمية ليه، النبي ﷺ قال إنك:

١ - من أهل النار ولن تقربي الجنة ولا تجدي ريحها !!

قال رسول الله ﷺ : « صنفان من أهل النار لم أرهما، قوم معهم سياط كأذناب البقر يضربون بها الناس، ونساء كاسيات عاريات ، مانلات مميلات ، رؤوسهن كاسنمة البخت المائلة ، لا يدخلن الجنة و لا يجدن ريحها ، وإن ريحها يوجد في مسيرة كذا وكذا » ^(١)

كاسيات عاريات : يعنى لابسه وساتره نفسها ومفيش أي حاجة من جسمها ظاهرة ..بس لبسها ضيق ميين جسمها كله ؛ فكأنها مش لابسة !! زي اللى بنشوفه دلوقتي بالظبط من لبس البنات **(جيبات وبدييات وفيستات وبناطيل جينز و اسكني واسترشتات) !!!**

(^۱) رواه مسلم

إيسيه ده كله ؟؟؟؟؟؟؟!!

كل ده يجيله كاهه انا سيئة؟؟؟

مليون سيئة على الأقل في اليوم...!!!

طيب ده إنتى بقالك ه سنين بالمنظر ده ..!

هناقول ٢٠٠٠ يوم x مليون سيئة = كائااااام ؟؟؟؟

ده إحنا بقينا بنتكلم فى **مليارات** من السيئات !!

وعداد السيئات شغال إلا أن تتوبي ..

﴿١﴾ يا أختي حرام عليكى نفسك وشباب المسلمين ..

الشباب اللي مش لافي يتجوز ولا لافي شغل أساساً !
مخدرات علشان ينسى ، وهيروح يتفرج على أفلام
سبئية أو هيروح يزني علشان يفرغ شهوته !!

يعني إنتي من أكثر الناس اللي بتدمر في المجتمع !!

❖ إنتي السبب في فساد المجتمع وانحلاله أخلاقياً !!

◀ **بنت واحدة** ممكن تقتن مليون راجل وتكون سبب في ضياعهم وانحرافهم وهلاكهم في الدنيا والآخرة !!

❖ **ليه تبقي إنتي البنّت دي ؟؟؟؟؟!!**

● ترضي بكده ؟؟؟ ترضي تبقي ملعونة ؟؟؟!!

إنتي عارفة اللعنة يعني إيبيبية ؟؟؟

◀ اللعنة : يعنى الطرد من رحمة الله !!

ده أي حد فينا يتمنى أقل جزء من رحمة ربنا !!
هو إحنا أصلاً هندخل الجنة غير برحمة ربنا ؟؟؟؟؟
أديكي بلبسك ده بقيتي ملعونة وطرديت نفسك من
رحمة ربنا ...!! **ليه كده ؟؟ وإيه اللي يستاهل ؟؟**

٣- زانية ولا يُقبل منها صلاة..!!

قال رسول الله ﷺ : « أَيُّمَا امْرَأَةٍ اسْتَعْطَرْتَ فَمَرَّتْ
بِقَوْمٍ لِيَجِدُوا رِيحَهَا فِيهِ زَانِيَةٌ » (١)
وقال رسول الله ﷺ :

« لا يقبل الله من امرأة صلاة خرجت إلى المسجد وريحها تعصف حتى ترجع فتغتسل »^(٢)

مائنات : متبخرات في مشيتهن، مائنات عن طاعة الله
مُميلات : مُميلات لغيرهن .. مُميلات لقلوب الشباب!
رؤوسهن كَأَسْنَمَةِ البُخْتِ المائنة : يعنى بتألف شعرها

كحكة فوق راسها **أف** تحط توكة كبيرة
أف تلبس ١٠ طرح فوق بعض علشان
تتفخ الحجاب ، وده بيبقى عامل زي
سنام الجمل زي ما النبي ﷺ قال ..



٢ - ملعونة مطرودة من رحمة الله !!..

قال ﷺ: « سيكون في آخر أمتي رجال يركبون على
سروج كاشباه الرحال ، ينزلون على أبواب المساجد
نساؤهم كاسيات عاريات ، على رؤوسهن كأسنمة
البخت العجاف ، الغوهن فانهن ملعونات »^(١)

وقال ﷺ أيضاً: « لعن الله النامصة والمتمنصة » (١)
والنامصة: هي التي تزلي أو تنتف أو ترقق من شعر
 الحاجبين.. اللى بتعمل كده **ملعونة !!** وما أكثرهن !!!!

(^١) صححه الألباني في السلسلة الصحيحة
(^٢) صححه الألباني في صحيح الجامع

(¹) صححه الألباني، في: غايّة المرام

٥ - من صاحبات الكبائر التي تعادل القتل...!!

« جاءت أميمة بنت رقيقة إلى رسول الله ﷺ تباعه على الإسلام ، فقال : أباعك على أن لا تشركي بالله شيئا ، ولا تسرقى ، ولا تزني ، ولا تقتلي ولدك ، ... ، ولا تنوحى ، ولا تتبرجى تبرج الجاهلية الأولى » (١)

« النبي ﷺ حط التبرج مع بقية الكبائر ، واشترط علشان يبائعها إنها لا تتبرج ، يعنى لو النبي ﷺ شافك دلوقتى مش هيرضى يبائعك على الإسلام !!!

بالله عليكى ترضى بكده ؟؟؟؟!!

٦ - جند من جنود الشيطان فى الأرض...!!

قال رسول الله ﷺ : « المرأة عورة ، فإذا خرجت استشرفها الشيطان » (٢)

« يعنى الشيطان بيفرح أول ما تخرجى بالمنظر ده ! بتوفرى عليه كتبيبيبيبيبيبي فى إضلال الشباب...!!

(١) صححه الألبانى فى جلاب المرأة المسلمة
(٢) صححه الألبانى فى صحيح الترمذى والجامع وابن خزيمة

« زانية !! وكمان الصلاة مش مقبولة !!!!

ليه كده ؟؟؟؟

ليه رضىبتي تبقي زانية ؟ علشان شوية برفان وروايح!

فيه بنت عاقلة فى الدنيا ترضى بكده ؟!

« معتقدش إن حد عنده (ذرة عقل) يرضى بكده !

٤ - منافقة ومن شر هذه الامة...!!

قال رسول الله ﷺ : « خير نساكم الولود الودود المواسية المواتية إذا إتقين الله .. وشر نساكم المتبرجات المتخيلات ، وهنَّ المنافقات ، لا يدخل الجنة منهن إلا مثل الغراب الأعصم » (١)

وكمان منافقة !!! ومن شر الناس فى أمة النبي ﷺ !!

عارفة يعنى إيه هتبقي منافقة ؟؟؟؟؟؟؟؟؟

إنتي متخيلة الكلام ده وحاسة بيه ؟؟؟؟؟؟؟

(١) حسنه الألبانى فى صحيح الترغيب والترهيب
(٢) صححه الألبانى فى السلسلة الصحيحة

مستنيه إيه ؟؟؟؟

« **عمرك شوفتى ذنب الرسول ﷺ بيعظم**

خطورته قد كده ؟؟؟؟؟؟؟؟!!

« **بنت هتقول : إيه الكلام اللي إنت بتقوله ده ؟؟؟؟!!**

إنت أكيد بتهرج !! أنا عمري ما سمعت الكلام ده قبل

كده !! للدرجة دي ؟! للدرجة دي الموضوع خطير ؟؟

للدرجة دي أنا ممكن ريحة الجنة حتى مشمهاش ؟؟!!

« أيوه يا أختي .. التبرج جريمة وذنب خطير جداً..

« مستنيه إيه بقى ؟ »

مستنيه عقوبة ربنا فى الدنيا؟ ولا مستنيه سوء الخاتمة؟

ولا مستنيه عذاب القبر؟ ولا مستنيه أهوال القيامة؟؟؟؟؟

ولا مستنيه عقوبة ربنا فى النار ؟؟ مستنيه إيه ؟؟؟؟؟

ده إنتي هتتحجبي غضب عنك حجاب شرعي كامل

وإنتي داخله قيرك.. ه أو ٦ لفات كفن ملفوفة فيهم !

« متخيلة شكلك وإنتي فى الكفن ؟؟؟

« **وممكن تتحجبيه فى الدنيا غصب عنك لو لا قدر**

الله جالك حرق ولا حاجة ؛ هتبقي عايزة أي حاجة

تداري بيها الحرق ده ...!!!! وعلشان كده بقولك :

« إلبسيه حُب قبل ما تلبسيه غُصْب !

« ده إنتي لو خطيبك أو زوجك قالك إلبسي إسدال

أو نقاب، هتلبسيه فوراً علشان ترضيه ومتزعليهوش

فهل رضا خطيبك عندك أفضل من رضا ربك ؟؟؟؟!

« **ويا ترى يوم القيامة هيبقى موقفك إيه...؟؟؟**

« **الرسول ﷺ يقول « العنوهن فانهن ملعونات »**

يعنى هتطردي من رحمة الله ! إزاي ؟؟؟ يعنى فى

عز الحر هتطردي من ظل عرش الرحمن ..

هتطردي من إنك تشربي من إيد النبي ﷺ !! وهتقابلي

ربنا إزاي؟؟ وهتقفي بين إيديه إزاي ؟؟ وهتقوليله إيه؟

ومصيرك هيبقى إيه ساعتها؟؟ ... إلى النار!!!!

إنتي عارفة يعنى إيه النار ؟؟؟؟



هو أحسن ترضي ربك؟؟ ولا ترضي الناس بحالها؟؟
هو إيه للبنت يشفع ؟؟؟؟ شكلها ولا عملها ؟؟؟؟؟
دا الجمال في الجسم زایل ، إنتي شوقتيه دَام لمين؟
والجمال في الروح بيفضل .. مهما بتعدي السنينيين
كوني بنت بألف راجل .. إخرسي في الطماعين



سيرة البنت العفيفة هي أحسن شئ يهدوم
جبرها مكتوب بدينها ؛ مش بمكياج أو هدوم
إوعي صوتك يعلى مرة ؛ ده الرسول علم علوم
إنتي بايديكي تكوني .. زي نور وسط الغيوم



كل شئ في الدنيا لما .. بيداروه بيزيد جمال
والعفاف للبنت يغلب أي شكل و أي مال
إنتي أجمل ألف مرة .. لو جمالك جوه قلبك
مش مهم الخلق ترضى .. المهم هترضي ربك
هو إيه في الكون دا يغلب لو إله الكون دا جبك ؟
هو إيه في الكون دا يغلب لو إله الكون دا جبك ؟



إهداء الشاعر / أحمد عبد الله



الزهور بتكون جميلة ، طول ما لسه الشوك حاميتها
بس لو يوم شوكتها سابها ؛ ألف إيد تتمد ليها !!
خلي نورك جوه قلبك والإيمان هيكون ماليتها



إقري في القرآن وسيبك م الأغاني مع الصحاب
إعرفي سنة رسولك .. صححي صورة الحجاب
إوعي تلتفتي لكلامهم ، مش ده أرحم م العذاب ؟؟
لو تقيسي الدنيا ديه ، إيه هتاخدي غير تراب ؟!



إنسي مكياجك وسيبي .. نور إيمانك يعلى وشك
بدلي مرايتك بقلبك .. مستحيل قلبك يفشك
خلي مكياجك إيمانك ، مش بأحمر ع الخدود
طهري دايماً في قلبك ، بكرة نصبح أكل دوود
مش تعدي أي كلمة ... قللي كل السدود



عطري روحك بذكرك ، وإرضي ربك وإمشي راضية
لو في مرة حد عاكسك .. مش تردي بكلمة قاضية
إوعي تدي فرصة ليهم ، وإدى ليهم ضربة قاضية



♥ طيب ده زميلي وأصحابي كلهم هيسيوني ..؟؟!

زمالك وأصحابك ولا ربنا ؟؟ .. مفيش وجه اختيار

أصلاً يا أختي !! إختاري ربك ومستحيل هيضيعك ..

♥ طيب ده أنا كده هعنس ومش هتجوز ..؟؟!

مين قال كده؟؟؟؟ ده المنتقيات والمخترعات أكثر

ناس بيتجوزوا دلوقتي .. أغلب الشباب بيص للبنت

المتبرجة على إنها تنفع للفرجة والمصاحبة ويس..

إنما عند الجواز بيختار المحبة حجاب صح ..

♥ طيب ده الناس هتتريق عليا وعلى لبسي ..؟؟!

الناس هتقولك ده اللبس الواسع ده بتاع الستات

العواجز والفلاحين .. بتاع (تيته) و (جدتو) ويتريقوا

عليكي!! لازم تستحملي .. وتعرفي إن هيجي اليوم

إلى هتتريقي إنتي عليهم وإنتي في الجنة ..

♥ طيب أنا هغير حجابي بس لما ربنا يهديني..؟؟!

طيب إنتي لما بتبقي مريضة مش بتاخدي دوا ؟؟؟؟؟

لما بتجوعي مش بتاكلي ؟؟؟ لكل شئ سبب ، يعني

إلى عايزة ربنا يهديها لازم تاخذ خطوات للهداية دي.



الموضوع مش مدناج نفكير ..

خدي القرار حالاً ..

ده مصيرك..يا جنة يا نار !!؟

♥ طيب ده بابا وماما مش موافقين ..؟؟؟؟!

يا أختي دي شطارتك بقى ... زي لما بتبقي عايزة

فلوس أو حاجة معينة وبتعملي كل الطرق علشان

يجبوهالك.. تقدري تقنعهم بإذن الله بالحجاب الصح..

♥ هيقولولي إنتي كده بتضيعي شبابك .. إنتي كده

بتدفي نفسك .. عيشي حياتك واتمتعي وبلاش تعقيد

وتشدد ، وربنا رب قلوب ، وكلام كثير زي كده !!!!!

خدي بالك .. لو صخرة متينة وعمالين نحدها بالطوب

مش هياثر فيها .. إوعي تسمعي لأي كلمة من أي حد!

إنتي اللي على الحق .. ولازم تثبتي .. الناس اللي

بنقولك كده مش هيدخلوا معاكي قبرك ولا هيتحاسبوا

بدالك ولا هيرضوا يدولك حسنة واحدة يوم القيامة!!

دول شياطين إنس ، إوعي تسمعي لكلامهم !!

♥ بس أنا خايفة اكون قدوة سيئة ، خايفة مثبتش ! أنا عارفة نفسي بتأثر يومين وأرجع تانى !! أنا أصلى بتأثر بصحابي.. يعنى ممكن أظبط الحجاب بس اللبس هيحلو فى عيني تانى وهرجع زى ما أنا؟؟!

طيب وإنتي عرفتي منين إنك هترجعي تانى ؟؟؟؟؟؟
ياترى بتعلمي الغيب ؟؟؟؟ وبعدين فين تفتك في ربنا وتوكلك عليه ؟ ليه سوء الظن بالله ؟ كام واحدة ثبتت ؟ كثير بفضل الله .. ليه متقوليش إن ربنا هيبتك وتدعى بالثبات !! إنتي عليكي التوبة والبداية وهو سبحانه وتعالى عليه إنه يهديكي ويثبتك .. قال الله تعالى :

(وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا وَإِنَّ اللَّهَ لَمَعَ الْمُحْسِنِينَ)
سورة العنكبوت: ٦٩

- وإوعي الشيطان يقولك إستني شوية على ما تبطلي كل الذنوب وبعدين تغيري الحجاب علشان تكوني قده!
ده كله من تلبس إبليس !! لأنك حتى لو قعدتي عمرك كله علشان تبقي خالية من الذنوب ، مستحيل هيحصل !! لسبب بسيط أوي .. لأنك بشر مش ملاك!
وكل ابن آدم خطأ ، وخير الخطائين التوابون ..

♥ بس أنا بحب الموضة مووت ! والحجاب الصح هيخلي شكل مش حلو و old fashioned وأنا بصراحة بحب أكون استايل في ليسي و شكلي ؟؟
طيب عايزين ننقق الأول إن مفيش بنت مايتحبش الموضة واللبس ؛ ربنا خلق المرأة على فطرة حب الزينة والظهور وحب إنها تكون جميلة وجذابة ..

❖ **بس هل معنى كده إن أنا أمشي ورا شهواتي ؟؟**

❑ لا طبعاً .. ده إحنا فى الدنيا هنا فى إمتحان ..
إمتحان هل هنتبع شهواتنا ونسمع كلام الشيطان ولا هنطبع ربنا ونصبر شوية فى الدنيا علشان الجنة ؟؟
« قال الله تعالى : { الَّذِي خَلَقَ الْمَوْتَ وَالْحَيَاةَ لِيَبْلُوَكُمْ أَيُّكُمْ أَحْسَنُ عَمَلًا } [الملك: ٢]

♥ بس أنا اتعاملت كثير مع محجبات ومنتقبات أخلاقهم سيئة جداً وكثير منهم غاوية " منظره " ؟!
هقولك كل حاجة فيها الكويس والوحش ، وأنا عايزك تلبسي الحجاب الصح وتكوني قدوة ونموذج في الأخلاق، وتقوللي لكل تعالوا شوفوا أخلاق المحجبات.

☑ يعني مش عايزين حد يقول هلبس الأول بنطلون واسع وبعدين جيبه وبعدين ممكن أبقي ألبس إسدال !!

عايزين حجاب صحت كامل مرة واحدة !!

« بس فيه ناس بتقول : أنا لو غيرت لبسي مرة واحدة هيبقى صعب ومش هقدر !!!

► هقولك : لو تضمني إنك تعيشي يوم واحد كمان خدي خطوات براحتك! إنما محدش فينا ضامن عمره!
لو جالك ملك الموت هتقوليله إيه ؟؟

إستني شوية على ما أنوب واغير لبسي ؟؟

كفاية إن ربنا إداكي الفرصة لحد دلوقتي علشان تصححي حجابك..! عايزين نفوق بقى ونعمل حساب آخرتنا ووقوفنا للحساب أمام الله سبحانه وتعالى..!
عايزين تبقى :

♥ الخطوة الأولى ... خمار ..

♥ الخطوة الثانية ... نقاب ..

♥ الخطوة الثالثة ... عريس صالح ..

♥ الخطوة الرابعة ... الجنة بإذن الله ..

♥ هتقوللي هلبسه بس لما أقتنع بيه الأول !!

هقولك الموضوع مش بالإقتناع أبداً ، قال الله تعالى :
(وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُبِينًا)
الأحزاب: ٣٦

♥ وأي شبهة الشيطان هيجيبها لك علشان تتأخري فى التوبة وتغير لابسك لازم تشيلها من نفسك تماماً..

مفيش وقت للتسويف ..إوعي تستني !!..

**لو قابلتي ربنا وإنّي لسه باللبس ده ..
هتقوليله إيبسيه ؟؟؟؟**

« هتقوليله كنت مستنيه لما أتخطب الأول !!؟؟
« ولا هتقوليله الناس كانت هتقول عليا مش شيبك؟؟

« ولا هتقوليله ما كل البنات كانت بتلبس كده !!؟؟

♥ **مش عايزين نندم في يوم مش هينفع فيه الندم!!**
مش عايزين خطوات يا مؤمنة يا غالية ياللى الإسلام عايز يحفظك ويصونك ويخليكي جوهره ميوصلهاش إلا اللي يستحقها ..

❗ لسه برده متروده؟؟؟

🌸 إنتي متخيله جمالك فى الجنة هيبقى شكله إيه لو
أطعني ربنا ولبستي حجاب صح؟؟ زي ما قولتلك :

هتبقى ◀ أجمل من الحور العين ..

إيه اللي يسناهل إنك تضيعي كل ده ؟؟؟!!

🌸 والله العظيم المنتقبة أو المختمة بتبقى ملكة ماشية في الشارع ، ليه تحرمي نفسك من لذة الإيمان

📢 **إلحقي إركبي قطرة التوبة قبل ما يطل!**

« أحد البنات بتحكي إن كان فيه بنوثة جارتهم في سن الشباب ، وكانت بتلبس بناطيل وبديهات ومكياج وكدّه ، ولما مامتها كلمتها وقالتلها يابنتي كده حرام وميرضيش ربنا ، البنّت ردت عليها وقالتلها :

لما أكبر وأبقى في سنك هبقى ألبس زيك خمار وعبايات !!
ولكن يقدر ربنا إن البنت تعمل حادثة بعدها وتموت !!
يا ترى البنت دي عامله إيه دلوقتي في ظلمة القبر؟؟
يا ترى لو رجعت للدنيا تاني هتقول للبنات إبيهه ???

👉 **يا ترى يا أختي مستنية تندي زيها !!!!!**

✈ **خليكي حاسمة.. وخدي القرار فوراً..**

✓ عايزين نلبس الحجاب اللي يستر بجد ، الحجاب
اللي يرضي ربنا حبيينا ، الحجاب اللي يدخلنا الجنة ..

مش عایزین إستعباد لشهواتنا أكثر من كده!!

❖ وخلي الكلمتين دول على طول فى بالك ..

من وجد الله فماذا فقد؟؟

ومن فقد الله فماذا وجد؟؟؟؟

♥ ياللا يا أختي نصبح حجابنا ونصلي فروضنا ..
ونرجع لقرآننا و نبدأ حياة جديدة ..

حياة هدفنا الوحيد فيها هو رضا ربنا اللي خلقنا وأنعم علينا بنعم ملهاش عدد ولا حصر ..
حياة كلها راحة وطمأنينة وسعادة .. شعارنا فيها ..

أحلى حياة في طاعة الله

قسمة .. ونصيب

أم محمد : زغرودة يا أم فاروق ..

أم فاروق : لولولولولولولولي .. خير يا أم محمد ؟؟

أم محمد : عقبال عندك يا أم فاروق .. إبتسام بنتي
جالها عريس إنما إيه ، ميتحكيش عليه .. والخطوبة
بإذن الله يوم الخميس الجاي ..

أم فاروق : ألف ألف مبروك يا أم محمد .. متعرفيش
أنا فرحتك قد إيه .. ربنا يتملها بخير يارب ..

أم محمد : الله يباركك..عقبال بناتك كده إن شاء الله

« دخلت الست أم فاروق بيتها وهي هتفجر من الغيظ وعمالمة تكلم فى نفسها وتقول :

يعني إنتي يا أم محمد بتغيظيني يعني علشان جوزتي
بناتك وأنا بناتي لسه قاعدين ! ماااااااااااااشى !!!!

(الست أم فاروق عندها خمس بنات ما شاء الله)

رانيا ٣٠ سنة كلية طب ... رضوى ٢٨ سنة كلية تربية

روعة ٢٤ سنة كلية آداب ... راجية ٢٢ سنة كلية تجارة
رحمة ٢٠ سنة كلية صيدلة

«نادت الست أم فاروق على بناتها .. واجتمع البنات بعد ما كانوا سمعوا الحوار بين أمهم وأم محمد وهما عارفين الكلمتين اللي هيسمعوهم !

❖ أم فاروق : بصوا بقى يا بنات ..أنا جالي الضغط والسكر والقلب منكم .. وخلاص مرارتي هتفرقع .. ده إن ماكنتش فرقت !!! بنات المنطقة كلهم إتجوزوا وإنتو لسه قاعدين .. أعمل إيه بس يا ربى ؟؟؟

◀ **قالولى ذوقى البنات :** جبٹلکوا اُغلى مىک أب ..
وأحسن لبس .. ودولاب کل واحدة فىکوا یشهد ..

وإنّو أصلاً قمرات من غير حاجة، ووبرده مفيش فايده!
 ◀ **قالولي ورّي الناس بضاعتك :** سيبتكوا تخرجوا

وتروحووا الأفراح والحفلات .. وبرده مفيش فايده !
 ◀ **قالولى مكاتب الجواز :** قدمنا لكم فى ١٠٠٠ مكتب

◀ **قالولي يبقى التلفزيون هو الحل :** إتصلنا ببرنامج

(بذل العريس ألف) في قنّاة (عريسك عندنا) وبرده
مفیش فایده !

◀ **قالولى يبقى مفيش غير انت :** جينا خط نت ..
واشتركنا فى كل مواقع الجواز .. وبرده مفيش فايده !

« يعني بعض البنات زي ما بنشوف وبنسمع كثير.. تكون ملتزمة وصاينة نفسها ومش عايزة تغضب ربنا ومع ذلك برده مجالهاش عريس لحد دلوقتي ؛ مع إن زميلاتنا اللي مش ملتزمين .. أو على الأقل لبسهم مش كويس بيحيلهم عريس واتنين وعشرة وهي مفيش حد عبرها ولا فكير يديق الباب!!

❖ **فيبدأ الشيطان يشكك البنت في نفسها!**

« **هو أنا صبح ولا غلط...؟؟؟**

طيب لو صبح ، أمال ليه أنا كده وهما كده؟

❖ **وببدأ الشيطان يشوف شغله ويخليها تتنازل واحدة واحدة ..** مثلاً من نقاب لخمار .. ومن خمار لطرحه قصيرة .. وبعدين جيبه وبلوزه .. وبعدين بنطلون وشوية ميك أب خفيف ... وهكذا ... وكل شوية طقم جديد وإكسسوار وميك أب بقدر كده .. وبعد كـ ل ده ، برده مفيش عريس!!!!

« تبدأ تخرج وتلف وتروح هنا وهناك على أمل إن حد يشوفها ويتقدم لها .. **وبرده مفيش فايدة !!**

« تبدأ ترخص نفسها لو كانت في كلية مثلاً أو في شغل وتروح هي اللي تكلم الولاد وتتصاحب عليهم وده طبعاً بنشوفه كتبيبيير .. **وبرده مفيش فايدة !!**

« تدخل النت .. وتكلم ده وتعمل شات مع ده وده .. وتدي ده رقم موبايلا .. **وبرده مفيش فايدة !!**

« ولو البنات ماكنتش جميلة مثلاً أو مش واثقة في نفسها ممكن تتنازل وتعمل أكثر من كده عياداً بالله وإنتمو شايفين أكثر مني اللي بيحصل !!!

طيب ليه كده برده مفيش جواز ؟!

« أصل المشكلة إن البنات مش عارفة إن كل اللي بتعمله ده اسمه أخذ بالأسباب .. حتى ولو كانت الأسباب دي صح أو غلط .. هي فاكدة إن الأسباب دي ؛ زي الجمال واللبس والخروجات والشات هي اللي تهيجب العريس .. ونسيت البنات إن رب الأسباب سبحانه وتعالى هو اللي لازم يأذن علشان الأسباب تشتغل .. ومن غير ده .. يبقى حتى لو أخذت بأسباب الأرض كلها مش هيغلها عريس برده!!

« **طيب إيسيبويه الحل ؟؟؟**

قبل ما نتكلم في الحل ...

لازم ألقت نظر البنات لعدة نقط ..

❖ **أولاً :** أي شاب **محترم** و**ملتزم** **بجد** لما يبجي يدور على زوجة ، مستحيل هيختار واحدة من على الشات أو من مكالمه موبايل ! وصعب إنه يفكر في يوم في واحدة لبسها مش زي ما ربنا ورسوله ﷺ أمر حتى لو كانت حتى أجمل واحدة في الكون ! لأن أهم حاجة عنده الدين والأخلاق زي ما النبي ﷺ وصاه ..

❖ **الدين و الحياء و الحجاب الصح** هما اللي هيخلوكي أجمل واحدة في نظر أي شاب ملتزم ..

« **بنت هترد وتقول : طيب ده كلامك إنت ..!**

إنما اللي بنشوفه على أرض الواقع دلوقتي إن أغلب الناس بقت تختار بمقياس الجمال واللبس والشياكة! وأكبر دليل إن أصحابي اللي مش ملتزمين إتجوزوا وأنا الحمد لله بطيع ربنا في لبسي وفي كل حياتي .. ومع ذلك لسه قاعدة ومتجوزتش ؟؟؟!

❖ **هقولك يا أختي :** حتى لو فرضنا إن كلامك صح وإن الناس كلها بقت تختار بناءً على الجمال واللبس والشياكة .. هسألك يا أختي شوية أسئلة وعازيك تفكري فيها كويس جداً ..

« **تفتكري** الشاب اللي إختار بنت علشان جمالها .. لو حصلها أي حاجة ، مثلاً طلعلها شوية حبوب في وشها أو لا قدر الله حصلها حرق أو أي حاجة .. هيطيق يعيش معاها بعد كده ؟؟؟؟؟؟؟؟؟؟؟

« **تفتكري** اللي إختار بنت علشان عجبته في فرح أو حفلة ، مش هيبص لغيرها .. ده بص لألف واحدة قبلها زي ما بصلها .. ولا تفتكري ده واحد ملتزم ومتدين علشان يختار بالشكل ده ؟؟؟؟؟؟؟؟؟؟؟

« **تفتكري** إن العريس اللي إختار الجمال .. وسمح لعروسته إنها تقلع الحجاب في ليلة الفرح وخلها ترقص قدام الناس.. تفتكري ده راجل أصلاً عنده نخوة يحافظ على زوجته ويصونها ويخاف عليها ؟؟؟؟

❖ **يا ترى عايزة تتجوزي عريس من دول ؟؟**

« تأملی الحديث ده علشان تعرفی ربنا ببرزق المتبرجات واللی بیعصوه بعمرسان لیه وإنتی لاء! »

قال النبی ﷺ: « إذا رأیت الله یعطى العبد من الدنيا على معاصیه ما یحب فإنما هو **إستدراج** ، ثم تلا قول الله تعالى: { فَلَمَّا نَسُوا مَا ذُكِّرُوا بِهِ فَتَحْنَا عَلَيْهِمْ أَبْوَابَ كُلِّ شَيْءٍ حَتَّى إِذَا فَرِحُوا بِمَا أُوتُوا أَخَذْنَاهُمْ بَغْتَةً فَإِذَا هُمْ مُبْلِسُونَ } » صححه الآلبانی .

« یعنی ربنا بیستدرجهم وهما مش حاسبین .. ربنا یتوب علینا وعلیهم قبل فوات الأوان .. »

ثانياً : **إوعی** علشان کبرتني في السن أو زواجك إتاخر ، أول ما عريس یجیلک ترضي بیه لو كان غير ملتزم .. إنتي ممکن تتنازلي عن أي شئ .. فلوس ، ذهب ، فرح .. إنما الدين لأ .. كله **إلا الدين** !! إحنا عايزین عريس صالح یاخذ بایدک للطاعة وبعیش معاکي بالمعروف وبعاملک زي ما النبی ﷺ كان بيعامل زوجاته .. وتربو ذرية صالحة تكون صدقة جارية لیکم بعد وفاتکم بإذن الله ...

« تفکري إن البنات اللي راحلها شاب عنده عربية وعمارة وفلوس ولكنه مش بیصلي ، ووافقت علیه ! تفکري ده هیعاملها بما یرضي الله ، وهیقي الله فیها وهتکون عیشتهم سعيده ؟؟؟؟ »

« آه بنات کثیر یتجوزوا...
بس إيه اللي یحصل بعد الجواز ؟؟؟؟ »

مصایب وبلایي..وعیشة سیئة جداً..وده اللي ینشوفه وبنسمعه.. وما خفي خلف أبواب البيوت كان أعظم !!
➔ **كام حالة طلاق فی المحاکم وکام مشكلة ! لیه ؟؟**
« لأن البيت اتبنى غلط من الأول ! و آثار المعصية بدأت تظهر! الناس فرحت علشان البنات إتجوزت !!! سنة أو سنتین أو کام شهر حتى وتلاقیها اتطلقت !!!
➔ **والمشكلة تبقى أكبر من الأول لو معاها أولاد..!**
➔ والأدهی إنها ممکن تكون عایشة عیشة لا تطاق ! نكد وهم وغم وضرب وخناقات .. ومُجبرة على كده علشان خاطر الأهل أو مش عارفة تتطلق أو لأي سبب كان..! وتلاقیها بتقول یاریتني ما اتجوزت !!

یا ترى تحبی تتجوزی وتبقى دي عیشتک ؟؟؟؟

« طيب إيه الحل دلوقتي ؟؟؟ »

أنا زهقت من نفسي خلاص ، ومش عارفة أتصرف إزاي مع بابا وماما ومع الناس ؟؟!

أولاً : مع نفسك :

لازم قبل كل شئ تجديد التوبة لربنا سبحانه وتعالى وعايزین قلوبنا تكون مليانة یقین في الله ..

هتقولي : هندخل بقى في كلام الشيوخ یقین وبتاع !

هقولک : ده مش كلام شیوخ یا أختي !

ده كلام ربنا اللي خلقنا وبعلم مصلحتنا .. وكلام النبی ﷺ الذي لا ينطق عن الهوى ، اللي ربنا أرسله رحمة لينا وللعالمین .. ده الدين بتاعنا ، اللي هدفه إننا نعيش أحلى حياة .. وإنتي أكید عارفة إن من شروط الإيمان ؛ الإيمان بالقضاء وبالقدر خيره وشره .. یعنی إيه ؟؟ یعنی كل اللي یجيبه ربنا خير ... یعنی اتجوزت ، الحمد لله خير .. الجواز إتاخر ، الحمد لله خير .. متجوزتش (لا قدر الله) .. برده الحمد لله خير .. لو ربنا کاتبلي عريس یبقى هیجیلي هیجیلي ..

♥ عايزین حياة هادية ومستقرة وكلها تسامح ورحمة ومودة ، و كل دا مش هیتحقق إلا مع واحد فاهم دینه وفاهم إزاي كان حبیبنا ﷺ بیتعامل في حياته كلها ..

ثالثاً : **إوعی** تفکري إن كل واحد قالک بحبك وبموت فيکي یبقى صادق ومش بیکذب علیکي؟؟!!!

كان فيه اتنين شباب بیتکلموا .. فلقیت واحد فیهم بیقول للثاني ..البنت (فلانة) أنا زهقت منها خلاص وهديک رقمها تعیشک معاها یومین .. الثاني قاله لیه بس؟؟؟ ده إنت بقالک معاها کام سنة ووعدتها بالجواز والبنت متعلقة بیک..قاله إنت هتعیش إنت کمان!!إوعی تكون فاکر إني بحبها بجد ولا ممکن أتجوزها أصلاً؟؟
دول یومین بنقضیهم وبننسلی وغیرنا یستلم !

« ولأسف الشديد .. بنات کتیبیر مضحک علیهم وعایشین في وهم الحب..الوهم اللي غرقان في بحوره معظم البنات ومش بیفوقوا منه غير بعد کوارث حسیة ومعنویة ؛ ممکن تفضل ملازمهم العمر کلہ!!

☑ و یاریت تقرأي کتابي (**لأنک غالية**) ..

بإذن الله هتلاقی فيه رد على كل أسئلتک عن الحب ..

«ولو حد قالك مثلاً إنتي إزاي هتخطبي أو تتجوزي من غير ما حد يشوفك؟؟ لازم تخرجي وتلفي وتفرجي الناس وإلا مش هتتجوزي!!!»

«قوليته : أنا عندي يقين إن عريسي مقسوملي ومكتوبلي من قبل ما اتولد .. بييجي إزاي دي مش بتاعتي ! دي ربنا سبحانه وتعالى اللي بيسبب الأسباب علشانها .. زي الأكل ما بيجيلي كل يوم وأنا قاعدة في بيتي لحد عندي .. بابا بيحبيه .. أي حد بيحبيه .. المهم إنه بييجي !... كذلك موضوع العريس ..

« وإوعي تفكري إنك مهما لستي أو اتشيكتي أو كلمتي ولاد إن كل ده هيسرع جوازك ! بالعكس ؛

إنتي كدا بتضيعي منك دنيا و آخرة !!!

« تأملّي الحديث ده .. قال رسول الله ﷺ :

« إن روح القدس نفث في روعي ، أن نفساً لن تموت حتى تستكمل أجلها ، وتستوعب رزقها ، فاتقوا الله ، وأجملوا في الطلب ، ولا يحملن أحدكم إستهطاء الرزق أن يطلبه بمعصية الله ، فإن الله تعالى لا ينال ما عنده إلا بطاعته » صححه الألباني .

« يعني إوعي علشان الرزق إتأخر شوية تعصي ربنا علشان تطلبه...! خليكي فاكرة كويس ..

(ما عند الله لا ينال إلا بطاعته)

« بنت هتقول: طيب أنا ملتزمة أو كنت مش ملتزمة وبفضل الله إلتزمت وغيّرت ليسي وحياتي وبقيت بطيع ربنا.. وصبرت كثير وجوازي متأخر برده؟؟؟! - هقولك :

يبقى لازم تعرفي إن ده هو الخير ليكي ..

« أيوه .. إن جوازك يتأخر أو (لا قدر الله) إنك متتجوزيش هو ده الخير ليكي ..

« **وزي ما قولتك قبل كده** ، ترضي إنك تتجوزي وتعيشي في هم وغم وجحيم ، وهتتمني ساعتها إنك تتعدي طول عمرك عانس ولا إنك تكوني إتجوزتي !

✓ عايز الآية دي تنقشها على جدران قلبك :

{ وَعَسَى أَنْ تَكْرَهُوا شَيْئاً وَهُوَ خَيْرٌ لَكُمْ }

وَعَسَى أَنْ تُحِبُّوا شَيْئاً وَهُوَ شَرٌّ لَكُمْ

وَاللَّهُ يَعْلَمُ وَأَنْتُمْ لَا تَعْلَمُونَ { [مفرد ٢١٦]

« ربنا بس هو اللي يعلم الخير فين .. وهو أرحم بيكي من أي حد تاني... لو يعلم إن الجواز خير كان قدّمه ليكي .. ولكنه يعلم إن تأخيره هو اللي خير ؛ علشان كده أخره .. ♥ يبقى خليكي فاكرة دايماً :

(وَاللَّهُ يَعْلَمُ وَأَنْتُمْ لَا تَعْلَمُونَ)

✓ متزعليش يا أختي ، وارضي بقضاء ربنا .. والله مش هترتاحي ولا هتحسي بالسعادة غير لما تكوني راضية،رضا من القلب،مش باللسان وخلاص!

ثانياً : مع الأهل :

الأم والأب .. فكرهم غير فكرك..!

بس باذن الله ممكن تقنعهم بالكلام اللي فات ده .. **هتقولي : بس فيه آباء وأمّهات كثير إيمانهم ضعيف ويرده مش بيقنعوا ..أعمل إيه معاهم ؟؟؟**

« **هقولك :** إصبري عليهم وإوعي تزعي معاهم أو تزعليهم .. وإتعاملي معاهم بكل أدب واحترام ورحمة، ومتجادليش كثير علشان متتعبيش .. وإدعي ربنا إنه يهديهم ويرزقك الصبر عليهم والبرّ بهم ..

♦ **هقولك :** مين قال كده ؟؟؟ لو إنتي فعلاً بتدعي بعد تجديد التوبة وبإخلاص وبتاكلي من حلال يبقى إن شاء الله دعائك مستجاب مستجاب ..

« **بس الإستجابة دي إزاي؟؟** شوفي حديث النبي ﷺ: « ما من مسلم يدعو ليس بإثم ولا بقطيعة رجم ، إلا أعطاه الله إحدى ثلاث :

- ① إما أن يُعجل له دعوته (يعني ربنا يستجيبها له في الدنيا)
 - ② وإما أن يخرها له في الآخرة
 - ③ وإما أن يدفع عنه من السوء مثلها
- قالوا إذا نكث ، قال الله أكثر » صححه الألباني ..

✓ وقبل ما تنتهي صفحات الكتاب وتقفليه وتحطيه في درج المكتب زي غيره .. لازم أفكر إن ربنا سترك كتبيير وأمهلك كتبيير ، وبعتلك رسايل كتبيير علشان تفوقي !!

بس إنتي اللي قلبك إتعمى ومبقاش يشوف...!!

- ◀ كل حادثة شوفتها في يوم على الطريق رسالة ليكي !
 - ◀ كل مرض جالك ولو نزلة برد رسالة من ربنا ليكي !
 - ◀ كل كتيب أو إسطوانة وصلتك رسالة من ربنا ليكي !
- ☛ بعد ده كله ؛ لو كملتي في نفس الطريق ،،

يبقى إنتي اللي اخترتي جهنم بإيدكي...!!

ثالثاً : مع الناس :

✓ **إوعي تلتفتي لكلام أي حد ..** الناس عمرهم ما هيبطلوا كلام ، سواء إتجوزتي أو متجوزتيش !!
 ✓ **سببي الناس يقولوا زي مايقولوا من هنا للصبح!**
 ولا يهز شعرة فيكي .. إنتي مؤمنة وعندك يقينيين ..
 وواقعة في الله إنه قضاؤه كله خير .. وإنه سبحانه وتعالى أرحم بيكي من أي حد في الدنيا .. وياريت لو تقرأ كتاب (**فكيها شوية**) هيبنتك وهيساعدك بإذن الله في التغلب على مشكلة كلام الناس ..

☛ وأخيراً .. ولكنه ليس بأخير .. بل قبل كل شئ ..
عليكي بـ الدعاء ..

ربنا قال : **(وَقَالَ رَبُّكُمْ ادْعُونِي أَسْتَجِبْ لَكُمْ)**

♥ يعني الدعاء مستجاب .. خاصةً بقى لو في قيام الليل أو بين الأذان والإقامة أو أثناء السجود ..
 قولي يا رب ، وإطلي الزوج الصالح من الله ..
 خزان ربنا مليانة لا تنفذ ... بس إنتي قولي يا رب ..
 « بنت هتقول: طيب أنا بدعي ربنا بقالي كام سنة وحاسه إنه مش بيستجاب ليا ؟؟؟؟؟؟!!

إوعي تياسي! وإوعي تعصي ربنا علشان الزواج!

♥ ومتشيلش نفسك الهم وتقضي حياتك قاعدة منتظرة العريس اللي هيجي ويدق الباب !
 إحنا إتفقنا خلاص إن كل شئ مقدر ومكتوب .. وإن رزقك هيجيلك هيجيلك لحد عندك .. وعلشان كده :

متوقفيش حياتك على عريس !

هو إنتي عايشة علشان تتجوزي وتخلفي وتربي العيال وبس؟؟؟ - طيب فرضاً مفيش جواز ومفيش عيال ،
 يبقى إنتي كده ملعيش لازمة في الحياة !!

✓ **منشيلش الهم ، وعيشي كل لحظة في حيالك وإسمنعي بها في طاعة ربك ..**

✓ **إوعي تنتظري حد أو شئ يسعدك ، وخلي سعادتك دائماً من جواكي عن طريق صلتك بربك ..**
 « إنتي عابزه تتجوزي علشان تعيشي أحلى حياة ..

وأحلى حياة في طاعة الله

« بالله عليك، مش نفسك تكون "أم المؤمنين خديجة أو عائشة" رفيقتك في الجنة؟؟ تتكلم معاها وتتكلم معاكي وتضحكوا وإنتي في قمة النعيم واللذة...؟؟؟
 « **طيب هتبقى معاها إزاي وإنتي مش بتقلديها؟؟؟**
 بل بتلبسي لبس هيخليكي أصلاً مش هتسمي ريحة الجنة وهتكوني من أهل النار زي ما النبي ﷺ قال !!!
 ♥ فووووقي يا أختي وياللا صححي حجابك وغيري لبسك اللي واقف عقبة بينك وبين رضا ربنا عنك ..
 وارجعي لربك وقوليله :

**سبت لبسي اللي مش صح علشانك ياربي ..
 وهسيب كل حاجة حرام علشانك ياربي ..
 ♥ بس إنت ترضي يا حبيبي يا الله ..**

✓ واحمدي ربك إنه أمهلك لحد دلوقتي ورزقك العمر والفرصة علشان تلحقي تنوبي وتصححي حجابك ..
 ياللا إنزلي إشتري لبس جديد وإبدأي حياة جديدة بجد
 «والله العظيم خايف عليك، وممكن الكتاب ده يكون آخر رسالة حد يقولهالك عن حجابك قبل الموت !!

فـ ← إلحقي نفسك ...!!